

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), člana 3.st. (2) i (4) Odluke o osnivanju Državne komisije za saradnju Bosne i Hercegovine sa Organizacijom Ujedinjenih nacija za obrazovanje, nauku i kulturu – UNESCO („Službeni glasnik BiH“, broj 77/09), a u vezi sa članom 1. tačka b), člana 4. tačka b) i člana 6. stav (1) Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine („Službeni glasnik BiH“, broj 19/09), na prijedlog Ministarstva civilnih poslova, Vijeće ministara Bosne i Hercegovine, na 137. sjednici održanoj 18. novembra 2010. godine, donijelo je

ODLUKU
O IMENOVANJU ČLANOVA DRŽAVNE KOMISIJE ZA SARADNJU BOSNE I
HERCEGOVINE SA ORGANIZACIJOM UJEDINJENIH NACIJA ZA
OBRAZOVANJE, NAUKU I KULTURU (UNESCO) I VISINI NOVČANE NAKNADE

Član 1.
(Predmet Odluke)

Ovom Odlukom imenuju se članovi Državne komisije za saradnju Bosne i Hercegovine sa Organizacijom Ujedinjenih nacija za obrazovanje, nauku i kulturu – UNESCO (u daljnjem tekstu: Komisija) i utvrđuje se visina njihove novčane naknade.

Član 2.
(Sastav)

(1) U sastav Komisije imenuju se:

- a) Sredoje NOVIĆ,
- b) Biljana ČAMUR,
- c) Amira DŽAJIĆ,
- d) Aida ČAMPARA,
- e) Angela PETROVIĆ,
- f) Enver MANDŽIĆ,
- g) Irena SOLDAT – VUJANOVIĆ,
- h) Vinko BOGDAN,
- i) Milijana OKILJ,
- j) Azra HADŽIĆ,
- k) Dragica PANIĆ-KAŠANSKI,
- l) Lidija MIČIĆ,
- m) Gordana ĐURIĆ,
- n) Gordana DUKIĆ,
- o) Amir PAŠIĆ,
- p) Amer OBRADOVIĆ,
- r) Radoslav DODIG,
- s) Željana ZOVKO,
- t) Vjekoslava SANKOVIĆ-SIMIČIĆ.

(2) Za predsjednika Komisije imenuje se Sredoje Nović, ministar civilnih poslova Bosne i Hercegovine.

(3) Za generalnog sekretara Komisije imenuje se Biljana Čamur, na prijedlog Ministarstva civilnih poslova Bosne i Hercegovine.

Član 3.
(Visina i isplata novčane naknade)

Članovi Komisije imaju pravo na jednokratnu godišnju naknadu u iznosu od dvije prosječne neto plate isplaćene u Bosni i Hercegovini u godini koja prethodi godini za koju Komisija podnosi izvještaj o radu i ista će se isplatiti nakon što Vijeće ministara BiH usvoji godišnji izvještaj o radu Komisije.

Član 4.
(Primjena Odluke)

Način i visina obračuna i isplate novčane naknade članovima Komisije primjenju se od dana stupanja na snagu ove Odluke.

Član 5.
(Realizacija Odluke)

Za realizaciju ove Odluke zadužuje se Ministarstvo civilnih poslova i Ministarstvo finansija i trezora.

Član 6.
(Prestanak važenja dosadašnje Odluke)

Stupanjem na snagu ove Odluke prestaje da važi Odluka o imenovanju predsjednika i članova Državne komisije za saradnju Bosne i Hercegovine sa Organizacijom Ujedinjenih nacija za obrazovanje, nauku i kulturu – UNESCO („Službeni glasnik BiH“, br. 60/07 i 78/08).

Član 7.
(Stupanje na snagu)

Ova Odluka stupa na snagu danom donošenja i objavljuje se u „Službenom glasniku BiH“.

VM broj ³⁰³ /10
18. novembar 2010. godine
Sarajevo

Predsjedavajući
Vijeća ministara BiH

dr. Nikola Špirić

